

# SAKSPAPIR

| Saksnr | Utval                                      | Type | Dato       |
|--------|--------------------------------------------|------|------------|
| 034/18 | Formannskapet                              | PS   | 26.04.2018 |
| 019/18 | Levekårsutvalet                            | PS   | 24.04.2018 |
| 015/18 | Råd for menneske med nedsett funksjonsevne | PS   | 23.04.2018 |

|                   |  |            |
|-------------------|--|------------|
| Saksbehandlar     |  | ArkivsakID |
| Line Merete Valle |  | 18/1230    |

## Bustader for menneske med rus - og psykiatriliding

### Nytt mandat

#### Vedlegg :

Nytt prosjektmandat - bustader rus-psykiatri

## Rådmannen sitt framlegg til vedtak

Rådmannen rår til at det vert vedteke eit nytt mandat for prosjektet der ein har rom for å utarbeide byggeprogram der ombygging er eit alternativ til nybygg. Prosjektet får mandat til å greie ut kostnader, framdrift og andre konsekvensar ved ei ombygging av eksisterande kommunal bygningsmasse.

.....

### Råd for menneske med nedsett funksjonsevne - 015/18

#### RMNF - behandling:

Orientering til saka v/Line M Valle-einingsleiar Eigedom  
Saka vert teke til orientering.

#### RMNF - vedtak:

##### Uttale i RMNF:

Ingen merknader.

### Levekårsutvalet - 019/18

#### LE - behandling:

Orientering til saka v/Line M. Valle-einingsleiar Eigedom

Rådmannen sitt framlegg vart samrøystes vedteke.

### **Framlegg frå Asle Hetlebakke-Krf: Nytt punkt:**

-Levekårsutvalet bed om at Stoltz-tomta i Knarvik vert vurdert til dette prosjektet.

Framlegget vart samrøystes vedteke.

### **LE - vedtak:**

#### **Innstilling i Levekårsutvalet - 24.april 2018:**

Rådmannen rår til at det vert vedteke eit nytt mandat for prosjektet der ein har rom for å utarbeide byggeprogram der ombygging er eit alternativ til nybygg. Prosjektet får mandat til å greie ut kostnader, framdrift og andre konsekvensar ved ei ombygging av eksisterande kommunal bygningsmasse.

-Levekårsutvalet bed om at Stoltz-tomta i Knarvik vert vurdert til dette prosjektet.

### **Saksopplysningar:**

#### **Politisk handsaming**

Saka skal til uttale i Råd for menneske med nedsett funksjonsevne

Saka skal til innstilling i Levekårsutvalet

Saka skal avgjerast i Formannskapet

### **Bakgrunn**

Mandat for utarbeiding av byggeprogram for bustader for menneske med rus- og psykiatrilidingar vart vedteke i Formannskapet 18.02. 2016. Ein del av oppgåva i mandatet er å finne eigna tomt for tiltaket.

I påvente av ein samla plan for det bustadsosiale arbeidet i Lindås kommune, vart prosjektet sett på vent inntil ein bustadsosial handlingsplan var vedteke. Handlingsplanen skulle gje eit tydeleg bilete av behovet for blant anna denne typen bustader gjennom ei kartlegging av status og framtidig behov. Gjeldande bustadsosiale handlingsplan vart vedteke i kommunestyret 21. juni 2017.

I august 2017 starta ein opp prosjektet med utarbeiding av byggeprogrammet og tok då utgangspunkt i behova som var skildra i bustadsosial handlingsplan. Planen viser eit behov for totalt 7 husvære der 1 av husværa skal vere eit akutttilbod. Det skal vere knytt bemanning til tiltaket.

Bustadsosial handlingsplan seier også at tilbodet må vere lokalisert sentralt i kommunen eller

med god offentlig kommunikasjon då det er naudsynt med tett kontakt med kommunale/offentlege tenestetilbod.

## **Utgreiing**

For utarbeiding av byggeprogrammet vart det sett ned ein prosjektorganisasjon med prosjektgruppe, arbeidsgruppe, og to referansegrupper inkludert brukarrepresentantar.


Hausten 2017 var det 4 møter i arbeidsgruppa, 3 møter i referansegruppe I og 1 møte i referansegruppe II. Arbeidsgruppa var også på studietur til Karmøy for å sjå på korleis dei har lokalisert og utforma liknande tilbod. Karmøy kommune er trekt fram nasjonalt for sin tilnærming til arbeid og tenester innan rus- og psykiatrifeltet.

Det vart gjort behovskartleggingar og sett opp ei skisse til byggeprogram som viser korleis eit slikt tiltak kan utformast og driftast. Hovudutfordringa for prosjektet har vore å finne eigna lokalisering og aktuelle tomter for tiltaket.

Prosjektet har med bakgrunn i bustadsosial handlingsplan og samla kompetanse i arbeidsgrupper og referansegrupper sett opp eit sett med kriterier for val av aktuelle tomter:

- Sentral, men skjerma lokalisering
- God kollektivdekning
- Tilgong til servicetilbod i nærleiken; butikk, helsehjelp etc
- Plass til gunstig utforming (universell utforming) av prosjektet på tomta
- Tilhøve til naboar
- Uteareal bør vere avgrensa og ha høve for skjerming
- Plass til personaldel
- Bør ligge på strekninga Alver- Isdal - Knarvik
- Reguleringsformål offentlig føremål (grunna bemanning)

Det har i første rekkje vore sett på areal som er i kommunen sitt eige på strekninga Alver - Knarvik. Ein har då sett på desse alternative tomtene:



1. «Lyngtunet», Knarvik - tomt regulert til offentlig areal langs Lonsvegen
2. Risbekken, Alver
3. Isdal
4. Nedre Alver
5. Hagellsund, Knarvik
6. Tomteskogen, Alver

Det er ingen av desse tomtane som per i dag ligg klare med eigna reguleringsformål for dei nye bustadene unnateke den såkalla «Lyngtunet»-tomten. Risbekken og Nedre Alver er tomtar som er i kommunal eige pr no. «Lyngtunet», Hagellsund og Tomteskogen (Alversund) er eigd av Lindås Tomteselskap. Tomta i Isdal er i privat eige og det er knytt usikkerheit til om denne kan kome for sal. Det har ikkje vore konkret dialog med eigarane.

Av dei tomtene som har vore oppe til vurdering er det kun ei tomt som tilfredstiller kriteria i høg grad. Det er tomta som ligg ved Hagellsundbrua. Hovudutfordringa med lokaliseringa er knytt til framdrift, reguleringsprosess og kostnadene ved ei etablering av tiltak her. Prosjektet kan verken leverast innanfor oppsett framdrift eller kostnadsramme.

Vurderingar av tomtene sine eigenskapar sett i lys av kriteria for val av tomt:

| Tomt        | +                                                                                                                                                                   | -                                                                                                                                                                                  | Konklusjon                                                       |
|-------------|---------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------|------------------------------------------------------------------|
| «Lyngtunet» | Sentral og open plassering, stor nok tomt, reguleringsformål er tilpassa prosjektet                                                                                 | Næraste nabo til Knarvik barnehage, Knarvik barneskule og Stallemarka buettslag.                                                                                                   | Lite eigna                                                       |
| Isdal       | Skjerma, men sentral. Få naboar tett på. Gangavstand til butikk, busstopp med hyppige avgangar                                                                      | Bratt tilkomst, skrånande terreng, utkjøringa på Fv 57 er vanskeleg å løyse                                                                                                        | Middels eigna                                                    |
| Risbekken   | Sentral tomt, lett tilgjengeleg og ope. Gangavstand til butikk og busstopp med hyppige avgangar. Bemanna tiltak vil vere ei forbetring i høve til dagens situasjon. | Tett på naboar, avgrensa storleik på tomten. For liten til å romme både personalbase og husvære. Fv565 gjev avgrensingar på tomteutnytting.                                        | Lite eigna                                                       |
| Nedre Alver | Skjerma lokalisering, Relativt sentralt til busstopp, kommunal tomt                                                                                                 | Tett til skule og idrettsanlegg, få nære naboar, tilkomstveg via skulen sitt inngangsområde                                                                                        | Lite eigna                                                       |
| Hagelsund   | Sentral, men skjerma lokalisering                                                                                                                                   | Attraktiv råtomt, kostnader med veg, VA, straum i tillegg til prosjektkostnad, omfattande å opparbeide med tanke på tid og kostnad                                                 | Godt eigna lokalitet i høve til kriteria, men kostbar å etablere |
| Tomteskogen | Sentral tomt, lett tilgjengeleg og ope. Gangavstand til butikk og busstopp med hyppige avgangar                                                                     | Nær skule og barnehage (Nh Kristne Grunnskule, Alversund Montessorribarnehage) Grunnskulen ønsker å nytte arealet til uteareal for skulen. Tett på mange bustader Tett på skuleveg | Lite eigna                                                       |

#### Ombygging vs nybygg:

Då arbeidsgruppe/referansegrupper ser store utfordringar med val av eigna tomt, har det kome opp framlegg om å sjå på kva kommunen eig og driftar av bustader/bygningsmasse i dag. Prosjektet ser at det kan vere mulig å omdisponere kommunal eigedom i det aktuelle området slik at ein løyser tomteutfordringane i prosjektet. Dette vil også kunne gje ei raskare framdrift enn ved nybygging.

Kostnadene for ei eventuell ombygging av eksisterande bygningsmasse kan også vere betydeleg lågare enn ved nybygg.

Mandatet som er vedteke for byggeprogram legg opp til at rus- og psykiatribustadene skal vera eit prosjekt med nybygg. Mandatet seier ikkje noko om ombygging av eksisterande kommunal bygningmasse. For å kunne gå vidare med ideen om ei ombygging i staden for

nybygg, treng prosjektet eit nytt mandat som gjev opning for å kunne etablere eit tiltak gjennom ei ombygging.

### **Vurdering**

Administrasjonen ser at ei etablering på ei råtomt utan reguleringsplan vil vere eit kostbart og tidkrevande prosjekt sett i høve til dei avsette midlane i gjeldande økonomiplan. Prosjektet vert minst 50% dyrare enn avsatt ramme. Dersom ein opnar for å sjå på eksisterande kommunal bygningsmasse og omdisponering av denne, vil ein kunne realisere prosjektet innanfor planlagt tid og kostnadsramme.

.....